

疆 郊 藝 圃

傾杯

離宴殷勤蘭舟凝滯看看送行南浦情知道世上難使
皓月長圓彩雲鎮聚算人生悲莫悲於輕別最苦正歡
娛便分鴛侶淚流瓊臉梨花一枝春帶雨 慘黛盈
盈無緒共黯然消魂重攜纖手話別臨行猶自再三問
道君須去頻耳畔低語知多少他日深盟平生丹素從
今盡把憑鱗羽

破陣樂

露花倒影煙蕪蘸碧靈沼波暖金柳搖風樹樹繫彩舫
龍舟遙岸千步虹橋參差鴈齒直趨水殿繞金隄曼衍
魚龍戲簇嬌春羅綺暄天絲管霽色榮光望中似覩蓬

萊清淺 時見鳳輦宸遊鸞觴飲臨翠水開鎬宴兩
兩輕舠飛畫楫競奪錦標霞爛顰歡娛歌魚藻徘徊宛
轉別有盈盈遊女各委明珠爭收翠羽相將歸遠漸覺
雲海沈沈洞天日晚

雙聲子

晚天蕭索斷蓬蹤迹乘興蘭棹東遊三吳風景姑蘇臺
榭牢落暮靄初收夫差舊國香徑沒徒有荒丘繁華處
悄無覩惟聞麋鹿呦呦想當年空運籌決戰圖王取
霸無休江山如畫雲濤煙浪翻輸范蠡扁舟驗前經舊
史嗟漫載當日風流斜陽暮草茫茫盡成萬古遺愁

陽臺路

楚天晚墜冷楓敗葉疏紅零亂
冒征塵匹馬驅驅愁見
水遙山遠追念少年時正恁
鳳幃倚香偎暖嬉遊慣又
豈知前歡雲雨分散此際空
勞回首望帝里難收淚
眼暮煙衰草算暗鎖路歧無
限今宵又依前寄宿甚處
葦村山館寒燈畔夜厭厭
憑何消遣

內家嬌

煦景朝升煙光晝斂疏雨夜來新霽
垂楊豔杏絲輕霞
輕繡出芳郊明媚處處蹋青
鬪草人人睽紅偎翠奈少
年自有新愁舊恨消遣無計
帝里風光當此際正好
恁攜佳麗阻歸程迢遞奈好
景難留舊歡頓棄早是傷
春情緒那堪困人天氣但贏得
獨立高原斷魂一餉凝

睇

二郎神

炎光謝過暮雨芳塵輕灑乍露冷風清庭戶爽天如水
玉鉤遙挂應是星娥嗟久阻敘舊約飄輪欲駕極目處
微雲暗度耿耿銀河高瀉閒雅須知此景古今無價
運巧思穿鍼樓上女擡粉面雲鬟相亞銅合金釵私語
處算誰在回廊影下願天上人閒占得歡娛年年今夜
醉蓬萊

漸亭皋葉下隴首雲飛素秋新霽華闕中天鎖蔥蔥佳
氣嫩菊黃深拒霜紅淺近寶階香砌玉宇無塵金莖有
露碧天如水正值昇平萬幾多暇夜色澄鮮漏聲迢迢

遞南極星中有老人呈瑞此際宸遊鳳輦何處度管絃
清脆太液波翻披香簾捲月明風細

宣清

殘月朦朧小宴闌珊歸來輕寒凜凜背銀釭孤館乍眠
擁重衾醉魄猶噤永漏頻傳前歡已去離愁一枕暗尋
思舊追遊神京風物如錦念擲果朋儕絕纓宴會當
時曾痛飲命舞燕翻歌珠貫串向玳筵前盡是神仙
流品至更闌疏狂轉甚更相將鳳幃鴛寢玉釵亂橫任
散盡高陽這歡娛甚時重恁

錦堂春

墜髻情梳愁蛾嬾畫心緒是事闌珊覺新來憔悴金縷

衣寬認得這疏狂意下向人誚譬如閒把芳容整頓恁
地輕孤爭忍心安 依前過了舊約甚當初賺我偷翦
雲鬢幾時得歸來香閣深關待伊要尤雲帶雨纏繡衾
不與同歡儘更深款款問伊今後敢更無端
定風波

自春來慘綠愁紅芳心是事可日上花梢鶯穿柳帶
猶壓香衾臥暖酥消膩雲彈終日厭厭倦梳裹無那恨
薄情一去音書無箇 早知恁麼悔當初不把雕鞍鎖
向雞窗只與蠻牋象管拘束教吟課鎮相隨莫拋擲
綫閒拈伴伊坐和我免使年少光陰虛過
訴衷情近

雨晴氣爽竚立江樓望處澄明遠水生光重疊暮山聳
翠遙認斷橋幽徑隱隱漁村向晚孤煙起殘陽裏脈
脈朱闌靜倚黯然情緒未飲先如醉愁無際暮雲過了
秋光老盡故人千里竟日空凝睇

其二

景闌畫永漸入清和氣序榆錢飄滿閒階蓮葉嫩生翠
沼遙望水邊幽徑山崦孤村是處園林好閒情悄綺
陌遊人漸少少年風韻自覺隨春老追前好帝城信阻
天涯目斷暮雲芳草竚立空殘照

留客住

偶登眺凭小闌豔陽時節乍晴天氣是處閒花芳草遙

山萬疊雲散漲海千里潮平波浩渺煙村院落是誰家
綠樹數聲啼鳥 旅情悄遠信沈沈離魂杳杳對景傷
懷度日無言誰表惆悵舊歡何處後約難憑看看春又
老盈盈淚眼望仙鄉隱隱斷霞殘照

迎春樂

近來憔悴人驚怪爲別後相思煞我前生負你愁煩債
便苦慙難開解 良夜永牽情無計柰錦被裏餘香猶
在怎得依前燈下恣意憐嬌態

隔簾聽

咫尺鳳衾鴛帳欲去無因到鰕鬚窳地重門悄認繡履
頻移洞房杳杳強語笑遲如簧再三輕巧 梳妝早琵琶

琵琶閒抱愛品相思調聲聲似把芳心告隔簾聽贏得斷腸多少恁煩惱除非共伊知道

鳳歸雲

戀帝里金谷園林平康巷陌觸處繁華連日疏狂未嘗輕負寸心雙眼況佳人盡天外行雲掌上飛燕向玳筵一一皆妙選長是因酒沈迷被花縈絆更可惜淑景亭臺暑天枕簟霜月夜涼雪霰朝飛一歲風光盡堪隨分俊遊清宴算浮生事瞬息光陰鎔銖名宦正歡笑試恁暫時分散卻是恨雨愁雲地遙天遠

拋毬樂

曉來天氣濃淡微雨輕灑近清明風絮巷陌煙草地塘

盡堪圖畫豔。香暖妝臉勻。開弱柳。困宮腰。低亞是處麗
質盈盈。巧笑嬉嬉。手簇鞦韆架。戲綵毬羅。綬金雞芥羽。
少年馳騁芳郊綠。野占斷。五陵遊。奏脆管。繁絃聲。和雅
向名園深處。爭柅畫輪。競羈寶馬。取次羅列。杯盤就
芳樹。綠陰紅影下。舞婆娑。歌宛轉。彷彿鶯嬌燕姁。寸珠
片玉。爭似此濃歡。無價任他美酒。十千一斗。飲竭仍解
金貂。貴恣幕天席地。陶陶盡醉太平。且樂唐虞景化。須
信豔陽天。看未足。已覺鶯花謝。對綠蟻。翠蛾怎忍輕捨

集賢賓

小樓深巷。狂遊徧羅綺。成叢就中堪人屬意。最是蟲蟲
有畫難描雅態。無花可比。芳容幾回飲散。良宵永。鶯衾

暖鳳枕香濃算得人閒天上惟有兩心同
近來雲雨忽西東
銷惱損情悰
縱然偷期暗會長是恩恩爭似和
鳴偕老免教斂翠啼紅
眼前時暫疏歡宴盟言在更莫
忡忡待作眞箇宅院方信有初終

殢人嬌

當日相逢便有憐才深意
歌筵罷偶同鴛被別來光景
看看經歲昨夜裏方把舊歡重繼
曉月將沈征驂已
鞚愁腸亂又還分袂
良辰好景恨浮名牽繫無分得與
你恣情濃睡

思歸樂

天幕清和堪宴聚
想得盡高陽儔侶
皓齒善歌長裏舞

漸引入醉鄉深處 晚歲光陰能幾許這巧宦不須多
取共君把酒聽杜宇解再三勸人歸去

應天長

殘蟬漸絕傍碧砌修梧敗葉微脫風露淒清正是登高
時節東籬霜乍結綻金蕊嫩香堪折聚宴處落帽風流
未饒前哲把酒與君說恁好景佳辰怎忍虛設休效
牛山空對江天凝咽塵勞無暫歇遇良會賸偷歡悅歌
聲闋杯興方濃莫便中輟

合歡帶

身材兒早是妖嬈算風措實難描一箇肌膚渾似玉更
都來占了千嬌妍歌豔舞鶯慚巧舌柳妒纖腰自相逢

便覺韓娥價減飛燕聲消
桃花零落溪水潺湲重尋
仙徑非遙莫道千金酬一笑
便明珠萬斛須邀檀郎幸
有凌雲詞賦擲果風標況
當年便好相攜鳳樓深處吹簫

少年遊

長安古道馬遲遲
高柳亂蟬棲
夕陽島外秋風原上日
斷四天垂
歸雲一去無蹤迹
何處是前期
狎興生疏
酒徒蕭索不似去年時

其二

參差煙樹霸陵橋
風物盡前朝
衰楊古柳幾經攀折
憔悴楚宮腰
夕陽閒淡秋光老
離思滿蘅皋
一曲陽關

斷腸聲盡獨自凭蘭橈

其三

層波激灩遠山橫一笑一傾城酒容紅嫩歌喉清麗百媚坐中生牆頭馬上初相見不準擬恁多情昨夜杯闌洞房深處特地快逢迎

其四

世閒尤物意中人輕細好腰身香幃睡起發妝酒釵紅臉杏花春嬌多愛把齊紈扇和笑掩朱脣心性溫柔品流詳雅不稱在風塵

其五

淡黃衫子鬱金裙長憶箇人人文談閒雅歌喉清麗舉

措好精神 當初爲倚深深籠無箇事愛嬌瞋想得別
來舊家模樣只是翠蛾顰

其六

鈴齋無訟宴遊頻羅綺簇簪紳施朱傅粉豐肌清骨容
態盡天真 舞裯歌扇花光裏翻回雪駐行雲綺席闌
珊鳳燈明滅誰是意中人

其七

簾垂深院冷蕭蕭花外漏聲遙青燈未滅紅窗閒臥魂
夢去迢迢 薄情漫有歸消息鴛鴦被半香消試問伊
家阿誰心緒禁得恁無憀

其八

一生贏得是淒涼
追前事暗心傷
好天良夜深屏香
被爭忍便相忘
王孫動是經年去
貪迷戀有何長
萬種千般把伊情分顛倒儘猜量

其九

日高花榭嬾梳頭
無語倚妝樓
修眉斂黛遙山橫
翠相對結春愁
王孫走馬長楸陌
貪迷戀少年遊
似恁疏狂費人拘管爭似不風流

其十

佳人巧笑值千金
當日偶情深
幾回飲散燈殘香暖好
事盡鴛衾
如今萬水千山阻
魂杳杳信沈沈
孤棹煙波小
樓風月兩處一般心